

Orde do 17 de febreiro de 2009 pola que se regula o uso de instalacións xuvenís dependentes da Vicepresidencia da Igualdade e do Benestar en réxime de oferta concertada durante a campaña de verán de 2009.

As instalacións xuvenís son un instrumento ao servizo da mocidade, e a Vicepresidencia da Igualdade e do Benestar é consciente da precariedade e insuficiencia de medios e instalacións axeitadas de que dispoñen as asociacións xuvenís e demais entidades públicas e privadas que realizan actividades coa infancia e a xuventude. En consecuencia, co obxecto de facilitar o uso de instalacións axeitadas a estas entidades para a realización de actividades xuvenís no ámbito do lecer durante o verán deste ano, a Vicepresidencia da Igualdade e do Benestar pon á disposición destas e regula, a través desta orde e baixo a denominación de oferta concertada, o réxime de utilización das súas instalacións xuvenís durante a campaña verán-2009, que abrangue o período do 15 de xuño ao 30 de setembro.

Por todo isto,

DISPOÑO:

Artigo 1º.-*Obxecto.*

A Vicepresidencia da Igualdade e do Benestar convoca esta oferta de uso das súas instalacións xuvenís para a campaña de verán do ano que corre, que comprende do 15 de xuño ao 30 de setembro, nos termos que se establecen nesta orde e de acordo coa distribución de prazas que se recolle no anexo I.

Artigo 2º.-*Servizos ofertados.*

O uso das instalacións ofertadas suporá dispoñer:

-Dos servizos de auga, gas, electricidade e alimentación en réxime de pensión completa.

-Do material (excepto o correspondente ás actividades específicas) que, no caso dos campamentos, comprende tamén as tendas de campaña, colchóns e mantas.

-Xerencia e persoal de servizo.

Artigo 3º.-*Destinatarios.*

Poderán solicitar o uso das instalacións de referencia:

1. As asociacións xuvenís, as entidades prestadoras de servizos á xuventude e ás escolas de tempo libre, debidamente constituídas e legalizadas.

2. O Consello da Xuventude de Galicia e os consellos locais e municipais de xuventude.

3. Corporacións locais.

4. Outras entidades públicas ou privadas que realicen actividades coa xuventude.

Artigo 4º.-*Solicitudes.*

As solicitudes, subscritas por persoa suficientemente acreditada, presentaranse conforme o modelo normalizado recollido no anexo II desta orde, no rexistro xeral da Xunta de Galicia, nos rexistros das súas delegacións provinciais ou por calquera dos procedementos establecidos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

O prazo de presentación de solicitudes será de 15 días naturais, contado a partir do día seguinte ao da publicación desta orde no *Diario Oficial de Galicia*.

Artigo 5º.-*Criterios de adxudicación.*

1. Para a adxudicación do uso das instalacións ofertadas establécese a seguinte orde de preferencia:

1) Asociacións xuvenís, entidades prestadoras de servizos á xuventude e escolas de tempo libre domiciliadas na Comunidade Autónoma galega, e censadas ou rexistradas no correspondente censo ou rexistro dependente da Dirección Xeral de Xuventude e Solidariedade.

2) Consello da Xuventude de Galicia.

3) Corporacións locais.

4) Asociacións xuvenís, entidades prestadoras de servizos á xuventude e escolas de tempo libre domiciliadas noutras comunidades autónomas.

5) Outras entidades públicas ou privadas que o soliciten con fins asistenciais.

2. Pola súa banda, dentro do previsto no parágrafo anterior, terán prioridade:

a) As que soliciten un maior número de prazas e/ou de días ata o tope máximo de cada instalación fixado no citado anexo I.

b) As solicitudes das entidades que cubran as prazas por convocatoria aberta e non reservadas exclusivamente aos seus membros ou asociados.

c) As entidades domiciliadas na Comunidade Autónoma galega.

d) As entidades que soliciten instalacións das que non gozaron nos dous últimos anos.

e) As que subvencionen o total ou parte da cota que teñen que pagar os participantes.

3. Sen prexuízo do disposto nos números 1 e 2 deste artigo, as entidades que en anos anteriores non fixeron uso das instalacións unha vez adxudicadas, sen presentar causa xustificada no seu momento, pasarán a ocupar o último lugar dentro dos criterios de prioridade descritos nos puntos anteriores.

Artigo 6º.-Instrución e resolución.

As solicitudes presentadas serán examinadas por unha comisión de valoración constituída para o efecto, e que estará integrada por:

-A xefa de servizo de Programas, que será a súa presidenta.

-Os catro xefes de servizo de xuventude e solidariedade das delegacións provinciais ou o funcionario en quen deleguen.

-Un representante do Consello da Xuventude de Galicia.

-Un funcionario da Dirección Xeral de Xuventude e Solidariedade designado polo director xeral, que actuará como secretario.

Esta comisión, valoradas as solicitudes conforme os criterios establecidos no artigo 5º desta orde, elevará proposta de resolución ao director xeral de Xuventude e Solidariedade, que deberá ditar a correspondente resolución nun prazo de 10 días.

A resolución seralles notificada a todos os solicitantes no prazo máximo de dous meses, contados desde a publicación desta orde no *Diario Oficial de Galicia*. Transcorrido o dito prazo sen que recaia resolución expresa, deberá entenderse desestimada a petición correspondente. A dita resolución non esgota a vía administrativa e contra ela poderá interpoñerse recurso de alzada ante o vicepresidente da Igualdade e do Benestar no prazo dun mes a partir do día seguinte ao da notificación da resolución, de acordo co disposto nos artigos 114 e 115 da Lei 30/1992, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro. De ser o caso, será de aplicación o artigo 44 da Lei 29/1998, do 13 de xullo, reguladora da xurisdición contencioso-administrativa.

A antedita resolución publicarase nos taboleiros de anuncios da Dirección Xeral de Xuventude e Solidariedade e das delegacións provinciais da Vicepresidencia da Igualdade e do Benestar.

Artigo 7º.-Reserva de prazas e primeiro pagamento.

1. Recibida a resolución os beneficiarios están obrigados no prazo de 10 días:

-A ingresar, en concepto de reserva de prazas, o 25% do importe correspondente ás prazas adxudica-

das. A dita cantidade non será reintegrable, nin descontable no seguinte pagamento, en caso de que decaese a adxudicación realizada por incumprimento das obrigas expresadas neste artigo, se a entidade adxudicataria anulase a reserva de utilización da instalación, reducise o número de usuarios previstos ou os días de uso solicitado.

-A presentar, no Servizo de Xuventude e Solidariedade da delegación da Vicepresidencia da Igualdade e do Benestar da provincia en que estea a instalación adxudicada, a seguinte documentación:

a) Breve proxecto de actividades que se van realizar.

b) Acreditación da persoa que subscribiu a solicitude como representante da entidade solicitante.

c) Xustificante do aboamento do 25% expresado anteriormente.

2. Se transcorrido o prazo de 10 días desde a notificación da adxudicación non se cumprisen os requisitos anteriores, declararase expresamente, a través da oportuna resolución, o desestimento da solicitude efectuada, ofertándose as prazas ao seguinte solicitante proposto pola comisión de valoración. En caso de non cubrirse as prazas desta forma, a delegación provincial correspondente reservarallas a quen as demande.

Artigo 8º.-Autorización de uso temporal.

1. Transcorridos 15 días desde a finalización do prazo establecido no artigo anterior, a entidade beneficiaria deberá formalizar o documento de aceptación das condicións particulares de uso da instalación e aboar o 75% do importe correspondente ás prazas que confirme. A dita cantidade ou a parte proporcional non será reintegrable se o número de usuarios ao inicio da actividade é menor ao confirmado.

O documento de aceptación das condicións particulares de uso e o xustificante do segundo ingreso presentaranse no Servizo de Xuventude e Solidariedade da delegación da Vicepresidencia da Igualdade e do Benestar da provincia na que estea a instalación adxudicada.

Así mesmo, presentarán a relación dos responsables que dirixan a actividade e a acreditación das titulacións exixidas en materia de tempo libre, tendo en conta o disposto no artigo 47 do Decreto 50/2000, do 20 de xaneiro, polo que se refunde e actualiza a normativa vixente en materia de xuventude (DOG nº 49, do 10 de marzo).

Cumpridas as condicións anteriores, a delegación da Vicepresidencia da Igualdade e do Benestar correspondente facilitaralle á entidade beneficiaria o documento de autorización de uso temporal da instalación.

Se transcorridos os diferentes prazos establecidos neste artigo non se fixesen os pagamentos correspondentes polas entidades beneficiarias, procederase de acordo co disposto no parágrafo segundo do artigo 7º desta orde.

Artigo 9º.-Obrigas dos beneficiarios.

Os adxudicatarios estarán obrigados:

1. A cumprir os requisitos que exige a lexislación vixente e a observar as normas de réxime interior da instalación e as indicacións da persoa responsable da mesma no referente a aqueles aspectos non recollidos expresamente nas citadas normas.

2. A responder dos actos que se realicen nas instalacións concedidas e das consecuencias que deles se deriven, así como de toda responsabilidade civil derivada de calquera acto.

3. A aboar o importe das deterioracións que produzan no material e nos equipamentos da instalación durante o período de uso desta.

Artigo 10º

Os prezos dos servizos ofertados nesta orde aparecen recollidos no anexo I da Orde do 4 de febreiro de 2009, pola que se fixan as tarifas e prezos en servizos de xuventude nas instalacións xuvenís para o ano 2009 (DOG nº 36, do 20 de febreiro).

Aqueles grupos que figuren inscritos no rexistro da Vicepresidencia da Igualdade e do Benestar como entidades prestadoras de servizos sociais gozarán dun desconto do 50% sobre os prezos sinalados no apartado anterior.

O aboamento dos diferentes pagamentos regulados nesta orde efectuarase utilizando os impresos destinados para o efecto, que se atoparán á disposición dos interesados na Dirección Xeral de Xuventude e Solidariedade ou en calquera delegación provincial da Vicepresidencia da Igualdade e do Benestar.

Artigo 11º

De conformidade coa Lei orgánica 15/1999, de protección de datos persoais, a través dos datos recompilados nos diferentes anexos desta orde, préstase o seu consentimento á incorporación dos datos persoais achegados a un ficheiro titularidade da Dirección Xeral de Xuventude e Solidariedade e inscrito na Axencia Española de Protección de Datos, cuxas finalidades son: obter unha base de datos co obxecto de resolver posteriormente as solicitudes de praza nas mencionadas instalacións e recompilar os datos bancarios co obxecto de proceder á devolución das cantidades aboadas polo interesado en caso de renuncia á actividade e/ou ingreso erróneo. A Dirección Xeral de Xuventude e Soli-

dariedade, como responsable do ficheiro, comprométese a respectar a confidencialidade da información de carácter persoal e a garantir o exercicio dos dereitos de acceso, rectificación, cancelación e oposición, que se poden exercer mediante comunicación escrita, acompañada dunha copia do DNI ou pasaporte, dirixida ao seguinte enderezo: Dirección Xeral de Xuventude e Solidariedade, edificio administrativo San Caetano, s/n, bloque-III 1º, 15781 Santiago de Compostela, ou ben enviando un correo electrónico ao seguinte enderezo: lopd.xuventude@xunta.es.

Disposicións derradeiras

Primeira.-Autorízase o director xeral de Xuventude e Solidariedade para ditar as disposicións precisas para o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 17 de febreiro de 2009.

Anxo M. Quintana González
Vicepresidente da Igualdade e do Benestar

ANEXO I

Provincia	Instalación xuvenil	Data	Nº prazos ofertadas	Total de prazos
A Coruña	Albergue xuvenil Mariña Española-Bergondo	15-21/2006	100	900
		1-15/2009	100	
	Albergue xuvenil Gandarfo-Bergondo	16-30/2006	30	
		16-30/2009	100	
	Campamento xuvenil Furelos-Melide	18-29/2008	60	
	Campamento xuvenil Virxe de Loreto-Porto do Son	17-28/2007	50	
		2-13/2008	80	
		18-29/2008	150	
	Campamento xuvenil Espiñeira-Boiro	17-28/2007	30	
2-13/2008		100		
18-29/2008		100		
Lugo	Albergue xuvenil Area-Viveiro	15-29/2006	120	395
	Campamento xuvenil A Devesa-Ribadeo	2-13/2008	50	
		18-29/2008	175	
	Albergue xuvenil Benigno Quiroga-Portomarín	24-31/2008	50	
Ourense	Campamento xuvenil Penedos de Xacinto-Entrimo	18-29/2008	50	50
Pontevedra	Residencia xuvenil Altamar-Vigo	2-13/2008	30	230
	Campamento xuvenil Illa de Ons-Bueu	18-29/2008	60	
	Campamento xuvenil Pontemariil-Forcarei	18-29/2008	140	
				1.575



XUNTA DE GALICIA

VICEPRESIDENCIA DA IGUALDADE E DO BENESTAR

ANEXO II

PROCEDEMENTO CONCERTOS CON ENTIDADES XUVENÍS E OUTRAS ENTIDADES PÚBLICAS OU PRIVADAS, PARA O USO DE CAMPAMENTOS E ALBERGUES XUVENÍS DA ADMINISTRACIÓN GALEGA	CÓDIGO DO PROCEDEMENTO VP304A	DOCUMENTO SOLICITUDE
------------------------------------------------------------------------------------------------------------------------------------------------------------------------	-----------------------------------------	--------------------------------

DATOS DA ENTIDADE

ENTIDADE	CIF	Nº DE REGISTRO (1)
ENDEREZO	PROVINCIA	CÓDIGO POSTAL
CONCELLO	TELÉFONO	FAX
CORREO ELECTRÓNICO		

E, na súa representación:

APELIDOS	NOME	DNI
ENDEREZO	PROVINCIA	CÓDIGO POSTAL
CONCELLO	TELÉFONO	FAX
CORREO ELECTRÓNICO		

INSTALACIÓN SOLICITADA

DATAS

EN 1º LUGAR	DESDE	ATA
EN 2º LUGAR	DESDE	ATA
Nº DE PRAZAS	PREZO PARA PAGAR POR CADA PARTICIPANTE	A ENTIDADE SUBVENCIONA AS PRAZAS (MARCAR O QUE PROCEDA) <input type="checkbox"/> SI <input type="checkbox"/> NON PORCENTAXE: _____

INSTALACIÓNS QUE UTILIZOU EN RÉXIME DE OFERTA CONCERTADA DURANTE OS DOUS ÚLTIMOS ANOS

ANO	INSTALACIÓN

A cobertura das prazas solicitadas será:

- Por convocatoria aberta
- Reservadas exclusivamente aos seus membros asociados

OBSERVACIÓNS

(1) No caso de ser prestadora de servizos sociais.

LEXISLACIÓN APLICABLE <i>Orde do 17 de febreiro de 2009 pola que se regula o uso de instalacións xuvenís dependentes da Vicepresidencia da Igualdade e do Benestar en réxime de oferta concertada durante a campaña de verán de 2009.</i>
SINATURA DO/DA SOLICITANTE OU PERSOA QUE O REPRESENTA <i>Lugar e data</i>

(Para cubrir pola Administración)	NÚMERO DE EXPEDIENTE
RECIBIDO	DATA DE ENTRADA
REVISADO E CONFORME	DATA DE EFECTOS
	DATA DE SAÍDA

Director xeral de Xuventude e Solidaridade

De conformidade coa Lei orgánica 15/1999, de 13 de decembro, de protección de datos de carácter persoal, a través dos datos recompilados nos diferentes anexos desta orde, préstase o seu consentimento á incorporación dos datos persoais aportados a un ficheiro titularidade da Dirección Xeral de Xuventude e Solidaridade e inscrito na Axencia Española de Protección de Datos, cuxas finalidade son: obter unha base de datos co obxecto de resolver posteriormente as solicitudes de praza nas mencionadas instalacións e recompilar os datos bancarios co obxecto de proceder á devolución das cantidades aboadas polo interesado en caso de renuncia á actividade e/ou ingreso erróneo. A Dirección Xeral de Xuventude e Solidaridade, como responsable do ficheiro, comprométese a respectar a confidencialidade da información de carácter persoal e a garantir o exercicio dos dereitos de acceso, rectificación, cancelación e oposición, que se poden exercer mediante comunicación escrita, acompañada dunha copia do DNI ou pasaporte, dirixida ao seguinte enderezo: Dirección Xeral de Xuventude e Solidaridade, edificio administrativo San Caetano, s/n, bloque-III 1º, 15781 Santiago de Compostela, ou ben enviando un correo electrónico ao seguinte enderezo: lopl.xuventude@xunta.es.